

資料來源：

111 年全國語文競賽客家語朗讀文章高中學生組（海陸腔）

編號 2 號

【夜鷹】邱一帆原作

毋記得在哪時起勢，佢輒常在斷烏¹，聽著天頂傳來「追佢啊追佢，追佢啊追佢」个聲，一聲又一聲，一直對半夜喊到天光，該吵耳塞窟个叫聲，正會對佢个耳空肚消失。當多年前，佢第一擺在屋下聽著該恁尖恁高个聲，實在當佇毋著，跔跔行出屋面前去看。該烏烏像細雞子个身影，在天頂飛啊飛、迂仔迂仔²。成時，毋知係飛到恁咧，抑係麼个，烏黔烏黔³个烏身，會頓腳在屋頂，「追佢啊追佢，追佢啊追佢」个叫聲，還係一聲喊過一聲。

該係麼个鳥？聲哨仰會恁吵人？佢遽遽走轉屋肚去，當認真上網路頂去尋資料，尋上尋下，正發現該種形投个鳥仔，名就安到夜鷹。想起來試著當奇怪！早早在 1861 年就有人在臺南發現佢个影跡，離這下有一百五、六十年咧，既經算係臺灣特有亞種个鳥仔，對山頂到平洋、對莊下到都市，滿哪仔都看得著佢个身影、聽得著佢个叫聲。做麼个佢食到四十大零歲咧，正第一擺在南庄聽著、注意著恁樣个鳥聲、知著恁樣个鳥名呢？佢試著當敗

勢！敗勢自家無好好認識，一直生活在身邊个鳥仔。

逐年新曆二月到八月，係臺灣夜鷹尋伴个繁殖期。七隻月恁長个時間，逐隻烏公就想愛尋著自家理想个對象——烏嫲，互相培養感情，繁殖下一代。乜一直愛等到孵出後代，細鳥仔會飛、離開烏公、烏嫲个保護，正算完成傳宗接代个任務。所以，在這期間，烏公對斷烏到天光，會緊喊出「追佢啊追佢，追佢啊追佢」這吵死人个聲骸，來宣示領域，嚇走其他可能个入侵者。也因為夜鷹个聲哨難聽又大聲，有當多好恬靜驚吵个人，就恁樣分夜鷹吵到睡毋得，闕到望毋得夜鷹遽遽消失忒！

佢知夜鷹个聲哨當吵，吵到人食睡毋得，尋伴个繁殖期間，確實影響著人个生活。毋過，夜鷹毋係無一埕好，佢對環境也有一定个平衡⁴作用。夜鷹个嘴擘到又闊又利，會用來搶食蟲仔，不管係在暗暗个天頂抑係光光个路燈下，大水蟻、金姑仔、草蟻，還過當多蟲仔，就係佢个食物、佢个好味緒。因為夜鷹个捕食習慣，多多少少也維持等該兜蟲仔个數量，乜保護著生態个平衡。

¹ 斷烏：音 ton\ vu\；入夜。

² 啊仔：音 din\ a⁺ din\ er；轉啊轉的。

³ 烏黔烏黔：音 vu\ him vu\ him；淺黑色。

⁴ 平衡：音 pin fen；指一個物體的運動維持不變（亦即沒有加速或減速）的狀態。

資料來源：

111 年全國語文競賽客家語朗讀文章高中學生組（海陸腔）

編號 6 號

【網出阿姆个背影】徐熏琪原作

網路就像係一面洋洋洋無邊無脣个大海，網等人摺人之間个距離、網等世界个脈動、網等日常生活。佢，就像係一尾魚仔，輒常洒落網肚遊遊野野，緊洒緊深、緊洒嘎緊遠……。

還記得讀國中愛開學个前幾日，阿姆拿等一支手機講愛分佢用。頭下碼，佢疑狐係毋係耳空聽个有爭差，一直到撻著手機，佢歡喜到耐毋得，心肝肚想，總算有一支手機咧！正想愛仰般好好來使用這手機該下，就聽著阿姆講：「分你手機，係方便你摺屋下人聯絡事情哦！毋係分你拿來變鬼變怪个，也升國中咧，自家愛曉得自重，敢做得到？」佢跔等點頭講：「阿姆放心啦！佢用手机定著會有分寸。」

續等幾日過後，手機裡肚三不二時就跳出遊戲、社交軟體个訊息，「阿姆放心啦！佢用手机定著會有分寸。」這句話早斯變成一陣風，飛到天背恁遠去咧！

網路世界切斷阿姆摺佢之間个信任，毋多知仔摺屋下人講話个時間越來越短，摺手機相處个時間越來越長；搵手做家务个時間越來越少，洒落手機个時間越來越多，佢就像今這下个低頭族樣，係講拿起手機，想愛放下斯係無恁該个事情咧。

記得有一日吃飽夜過後，佢堵好摺同學搞等緊張刺激个線上遊戲，阿姆喊佢好去洗碗箸咧，佢詐意無聽著，過無幾久阿姆又

過喊加一到，佢就闕猝猝仔應：「大細心！逐擺就喊佢！屋下斯伸佢一儕人咩？」無想著這句話深深刺落阿姆个心。阿姆聽著後，恬恬仔行落灶下去洗碗。佢看著阿姆洗碗个背影，感覺著頭下對阿姆堵堵撐撐¹ 蕝蠻² 過分，就遽遽放下手機摺阿姆會失禮，摺阿姆手町³ 个碗箸接來洗。

該暗晡為著這件事睡毋落覺，腦膈肚現出阿姆洗碗个背影，該背影就像一面鏡仔，照等阿姆腰掛背吊个身影，嘎映出佢無上無下个行為；照等阿姆對佢个開容笑面，嘎映出佢對阿姆目睭睭仔个面目。更深夜靜，佢个反省比夜還較長，經過這擺个事件，正感覺著佢个日常生活既經分網路世界縹緲，漸漸疏離屋下人个互動。所以，佢想尋轉阿姆對佢个信任，愛自我要求正確來使用手機，學校作業一定愛先完成、搵手做忒家务後正使用手機，還愛記得摺屋下人多多相處，大家和和接接過日仔，該正係盡有溫情个家庭生活。

¹ 堵堵撐撐：音 du du cang∨ cang∨；頂嘴。

² 蕝蠻：音 zam∨ man；相當的。

³ 手町：音 shiu∨ nen\；手上。